



FEDERACION GALEGA
DE AUTOMOBILISMO

E-Mail: fga@fga.es
http://www.fga.es
Tfno: 988 272 841 - Fax: 988 271 461
C/ra. de Vigo, 43 Baixo - O Pino
32001 OURENSE



TECNI SYSTEM BROKER
CORREDURIA DE SEGUROS, S.L.



DEPORTE
GALEGO



XUNTA DE GALICIA
PRESIDENCIA
Secretaría Xeral para o Deporte

REGULAMENTO ELECTORAL

**Para a elección a membros da
Asemblea Xeral, Presidente e Comisión
Delegada da Federación Galega de
Automobilismo.-**

Ourense, a 11 de setembro de 2014





Artigo 1. Obxecto da normativa

En requirimento da Orde do 8 de setembro de 2010, publicada no DOG número 174 do xoves, 9 de setembro de 2010, da Consellería de Presidencia, Administracións Públicas e Xustiza, polo que se establecen os criterios para a elaboración de regulamentos e realización dos procesos electorais nas Federacións Deportivas Galegas, así como en aplicación do disposto na Lei 3/2012, do 2 de abril, do deporte de Galicia, confeccionase a presente normativa que regula o proceso de elección dos órganos de goberno, Asemblea Xeral, Presidente e Comisión Delegada, con representatividade durante o período 2014 ata o 2018.

Artigo 2. Celebración de eleccións

A Federación Galega de Automobilismo (en adelante F.G. de A.) procederá á elección da súa Asemblea Xeral, Presidente e Comisión Delegada no ano 2014. O calendario electoral será o indicado no anexo I. Os sobres e papeletas serán os establecidos no anexo II. Establécese como horario de apertura ao público da sede federativa o seguinte de 10:00 a 14:00 y de 16:00 a 20:00.

Artigo 3. Regulamento electoral provisional e definitivo

Unha vez aprobado o regulamento electoral por parte da Asemblea Xeral F.G. de A. será remitido á Secretaría Xeral para o Deporte da Xunta de Galicia, que resolverá, no prazo máximo de 10 días hábiles dende a entrada do documento no seu rexistro, sobre a aprobación do mesmo ou a súa devolución para a corrección de posibles deficiencias.


Transcorridos estes sen que recaia resolución algunha entenderase aprobado o regulamento. No caso de ser necesaria a subsanación de deficiencias, indícaranse as mesmas e se concederán dez días hábiles para proceder a dita corrección.

Solicítase á Asemblea Xeral da F.G. de A., no caso que houbera que subsanar algunha deficiencia no mesmo regulamento electoral, que delegue e autorice á Xunta Directiva a facer os cambios necesarios, sen necesidade dun novo sometemento á aprobación da asemblea xeral. Unha vez feitas estas modificacións, o novo regulamento presentárase á Secretaría xeral para o deporte para a súa ratificación definitiva e publicárase no taboleiro de anuncios da sede da F.G.de A., na web da Federación www.fga.es e na Secretaria Xeral para o Deporte.

Artigo 4. Censo electoral

1. O censo electoral incluírá aos deportistas, técnicos/adestradores, xuíces/árbitros e entidades deportivas inscritas na federación e no Rexistro de Asociacións deportivas e deportistas de Galicia, que reúnan os requisitos para ser electores e elixibles, de acordo co establecido no artigo 8º do presente regulamento. Inclúiranse os seguintes datos:

a) Para os/as deportistas, adestradores e xuíces/árbitros: nome, apelidos, número de licenza federativa, número do Documento nacional de identidade ou da tarxeta de residencia e domicilio a efectos de notificación. O domicilio reflectido por defecto para o estamento de deportistas será o do club ao que pertezan, ou no seu caso tamén respecto do estamento de xuíces/árbitros, o que a estes efectos indiquen a Federación. No período de reclamacións ao censo provisional poderá solicitarse o cambio de domicilio.





b) Para as entidades deportivas: nome, denominación ou razón social e número de inscrición no Rexistro de Asociacións deportivas e deportistas de Galicia, así como o nome e apelidos do presidente e secretario. Os datos dos clubs deberán ser plenamente coincidentes cos datos contidos no Rexistro de Asociacións Deportivas e Deportistas de Galicia, tendo a Federación a obriga de cotexar ditos datos. No caso de discrepancias entre os datos obrantes no rexistro da federación e os obrantes no Rexistro de Asociacións Deportivas e Deportistas de Galicia, establecerase un prazo de 10 días para a súa subsanación.

2. O censo electoral provisional publicarase xunto coa convocatoria. A exposición pública do mesmo deberá facerse por un prazo mínimo de 10 días hábiles, dentro do cal se poderán presentar as reclamacións que se estimen oportunas ante a Xunta Electoral, resolvéndose por esta no prazo máximo de 2 días hábiles e considerándose o silencio da xunta en sentido estimatorio da petición realizada. Dita exposición farase no taboleiro de anuncios da F.G. de A., así como na páxina web www.fga.es
3. O censo será considerado definitivo se non se presenta reclamación algunha, ou cando de presentarse, sexa resolta pola xunta electoral ou, se é o caso, polo Comité Galego de Xustiza Deportiva. Deberán aplicarse as mesmas garantías de difusión e publicidade que as previstas no número 2 deste artigo para o censo provisional.
4. Os datos contidos no censo electoral gozarán da protección do previsto na LO 15/1999, do 13 de decembro, de protección de datos de carácter persoal. En todo caso o tratamento e publicación dos datos contidos no censo terá por única finalidade garantir o exercicio polos electores do seu dereito de sufraxio, estando prohibida a súa cesión ou utilización para unha finalidade distinta a aquela.
5. Co fin de facilitar a participación e a integración na actividade deportiva da Federación, os candidatos proclamados a membros da asemblea xeral poderán do respectivo censo de persoas que compoñen cada estamento, cos datos de carácter persoal contidos na licenza federativa. No caso dos candidatos proclamados á Presidencia, poderán dispoñer do censo de persoas que conforman a asemblea xeral, cos mesmos datos de carácter persoal facilitados na licenza federativa.

Artigo 5. Xunta electoral

1. O mesmo día da convocatoria de eleccións, constituirase a Xunta Electoral.
2. A xunta electoral estará integrada por tres membros titulares e tres suplentes, elixidos por sorteo na asemblea xeral, entre as persoas que presenten a súa candidatura a membros da xunta electoral. As candidaturas deberanse presentar na mesma asemblea na que se celebre a súa elección, podendo estar os candidatos presentes na mesma.

Os membros da xunta deberán reunir os requisitos seguintes:

- a) Ser maior de 18 anos.
- b) Ter o título de bacharelato superior ou equivalente.
- c) Non presentarse como candidato a membro da asemblea xeral.





FEDERACION GALEGA
DE AUTOMOBILISMO

E-Mail: fga@fga.es
http://www.fga.es
Télex: 686 272 841 - Fax: 988 271 451
Cra. de Vigo, 43 Baixo - O Pino
32001 OURENSE



TECNI SYSTEM BROKER
CORREDORIA DE SEGUROS, S.L.



DEPORTE
GALEGO

galicia



XUNTA DE GALICIA
PRESIDENCIA
Secretaría Xeral para o Deporte

- d) Non ter relación contractual ou profesional coa F.G. de A.
- e) Non estar cumprindo sanción disciplinaria firme ou sanción administrativa firme en materia deportiva que conleve sanción de inhabilitación para ocupar cargos nunha organización deportiva.

3. No caso de non presentación de candidatos a membros da xunta electoral, o presidente da federación proporalle á asemblea os membros necesarios para completar a mesma, os cales deberán así mesmo reunir os requisitos definidos no apartado anterior.

4. Actuará como presidente e secretario da xunta electoral o membro de maior e menor idade, respectivamente. As decisións da xunta electoral tomaranse por maioría de votos. A asistencia á xunta electoral é obrigatoria salvo causa xustificada.

5. Funcións da xunta electoral:

- a) Velar polo axustamento a dereito do proceso electoral dos órganos de goberno e representación federativos.
- b) Organizar os procesos das eleccións para a asemblea xeral e presidente da federación, segundo o disposto neste regulamento electoral.
- c) Designar as mesas electorais de conformidade co previsto neste regulamento electoral.
- d) Aprobar as candidaturas que reúnan os requisitos esixidos, así como o resto da documentación electoral.
- e) Garantir a exposición de censos, candidaturas e outros documentos según se estableza neste regulamento electoral.
- f) Coñecer e pronunciarse sobre os recursos que se presenten.
- g) Custodiar a documentación correspondente a todo o proceso electoral, excepto o que non lle corresponda do procedemento do voto por correo, ata a súa finalización.
- h) En xeral, cantas facultades lle sexan atribuídas por este regulamento electoral.


Establécese como indemnización para os membros da Xunta Electoral para sufraga-los gastos ocasionados a cantidade de cen euros (100 €), así como cero con dezanove euros (0,19 €) en concepto de kilometraxe por desprazamento percorrido en vehículo propio, mais os gastos de peaxe de autoestrada e aparcamento sempre que se xustifiquen, ou o importe xustificado de medio de transporte público utilizado. En ámbolos casos con cargo ó orzamento da F.G. de A.

Artigo 6. Mesa electoral: composición e competencias.

1.- Constituirase unha única mesa electoral para a elección dos membros da asemblea no día fixado. O horario de apertura da mesa será o seguinte: 16:00 horas e as 20:00 horas. Ubicarase nos locais da Federación Galega de Automobilismo (Sala de Xuntas) sita na Estrada de Vigo nº 43-Baixo, O Pino, de OURENSE.

A mesa electoral estará composta por tres membros titulares (un presidente, un secretario e un vogal) e tres suplentes destes, elixidos por sorteo pola xunta electoral entre os integrantes do censo definitivo. Serán presidente e secretario os membros de maior e menor idade respectivamente. A asistencia á mesa electoral é obrigatoria salvo causa xustificada que deberá ser autorizada pola xunta electoral.

Así mesmo, para a mesa electoral, os candidatos poden nomear interventores, entre quen desempeñe a condición de elector, que serán identificados ante a xunta





electoral con antelación non inferior a 24 horas do día de celebración das respectivas votacións. A xunta electoral expedirá a correspondente acreditación.

Os interventores poderán participar nas deliberacións da mesa, con voz pero sen voto, así como solicitar á mesma certificacións e formular ante ela protestas, todo iso sen prexuízo da lexitimación que lles corresponde conforme aos artigos 18 e 19 deste regulamento.

2. A efectos de remisión do voto por correo, establécese como mesa para a recepción deste voto a única mesa electoral antes referida.

3. Son competencias da mesa electoral:

- Comprobar a identidade dos votantes.
- Recoller a papeleta de voto e depositala na urna pechada e preparada aos efectos.
- Proceder á contaxe de votos.
- Levantar acta dos votos emitidos, resultados, e calesquera outras incidencias, así como das incidencias e reclamacións se as houber, facendo constar o número de votos obtidos por cada candidato.

4. A acta será subsrita por todos os membros da mesa electoral, así como polos interventores, se os houber, remitíndose posteriormente á xunta electoral, que deberá garantir a súa exposición pública mediante a publicación no taboleiro de anuncios e na páxina web www.fga.es

5. Cando proceda a elección de presidente constituirase a mesa electoral con dous membros que serán respectivamente o de maior e menor idade da asemblea. O primeiro actuará como presidente e o segundo como secretario. Así mesmo, e ata que conclúa a elección de presidente, exercerán funcións de presidente e secretario da asemblea.

6. Os gastos de desprazamentos dos membros das mesas electorais serán sufragados pola F.G. de A. a razón de cero con dezanove euros (0,19 €) o kilómetro percorrido en vehículo propio, mais os gastos de peaxe de autoestrada e aparcamento sempre que se xustifiquen. Os gastos sufragaranse con cargo o orzamento federativo.


Artigo 7. Convocatoria de eleccións

1. A convocatoria das eleccións será feita polo Presidente da F.G. de A., conforme a este regulamento electoral, aprobado pola Secretaría xeral para o deporte.

2. Simultaneamente á convocatoria de eleccións, a xunta directiva disolverase, contituíndose en comisión xestora que non poderá realizar mais que actos de mera administración e trámite.

3. A convocatoria de eleccións publicarase no taboleiro de anuncios da sede da federación e nas delegacións, así como na páxina web www.fga.es A notificación da convocatoria de eleccións conterá cantos datos se precisen para o correcto desenvolvemento do proceso electoral, e sinaladamente:

- a) Regulamento electoral.
- b) Calendario electoral con indicación do lugar, data e hora de celebración dos actos propios do proceso electoral.
- c) Lugar de consulta dos censos electorais.
- d) Modelos oficiais de sobres e papeletas.
- e) Composición e sede da xunta electoral da Federación.





4. Cun prazo de antelación mínimo de cinco días hábiles dende a data da convocatoria, esta haberá de ser notificada, a través de medio que permita asegurar a súa recepción, cando menos, ás entidades deportivas integrantes da desta federación e á Secretaría xeral para o deporte.

Artigo 8. Electores e elixibles

1. Poderán ser electores e elixibles:

a) No caso dos estamentos constituídos por persoas físicas (deportistas, adestradores e árbitros/xuíces) os que reúnan os seguintes requisitos:

- Ser maior de idade á data da convocatoria das eleccións.
- Ter licenza federativa en vigor e tido na tempada deportiva anterior á da data de convocatoria de eleccións.
- Ter participado nun mínimo de unha competición oficial na tempada deportiva anterior.

b) No caso do estamento de entidades deportivas: aquelas entidades deportivas, que estean inscritas, no ano da convocatoria das eleccións, na federación e no Rexistro de asociacións deportivas e deportistas de Galicia e teñan participado en competicións deportivas. A estes efectos e, con carácter mínimo, deberán de ter participado en catro competicións entre o ano de convocatoria das eleccións e os dous anos inmediatamente anteriores a aquel, e necesariamente unha delas no ano da convocatoria das eleccións. Non será elixibles aqueles clubs que formen parte da asemblea na súa condición de membros natos.

2. Aos efectos deste artigo entenderase como competición deportiva, aquela que organizada e/ou aprobada pola F.G. de A estivera reflectida nos correspondentes calendarios oficiais aprobados pola Asemblea xeral.

3. Os membros da federación que pertencen a dous ou mais estamentos no censo provisional, deberán optar por un deles, mediante escrito ante a xunta electoral que deberá cursarse no período de reclamacións ao censo. Os criterios para identificar os electores nun único estamento, no caso de non existir a proposta individual, serán que se incluírán no estamento cuxo número de licenzas contabilizadas a efectos de composición da Asemblea, sexa superior; no caso de que existan dous estamentos cun mesmo número de licenzas, incluírase no estamento no que, segundo os datos obrantes na F.G. de A., tivera licenza o maior número de anos ininterrompidos a contar dende a actual tempada deportiva.

Artigo 9. Composición da Asemblea xeral

1. O número de membros da asemblea xeral será de 64, distribuídos como corresponda en aplicación do artigo 10, do presente regulamento electoral. O presidente da federación desempeñará a presidencia da asemblea xeral.

2. Os seus membros serán elixidos cada catro anos mediante sufraxio libre, igual, directo e secreto, salvo a singularidade prevista para o estamento de clubs, por e entre os compoñentes de cada estamento de conformidade co número e proporcións de representación que se establecen no presente regulamento.

3. Na asemblea xeral deberán estar representados todos os estamentos reconecidos nos estatutos e integrados na federación e, cando menos, os clubs deportivos, os deportistas, os adestradores e os árbitros/xuíces.

4. No estamento de clubs haberá membros natos e membros electos.





5. A representación dos clubs corresponde ao seu presidente ou persoa que conforme estatutos lle corresponda. Esta representación acreditarase fidedignamente mediante certificación da inscrición do Rexistro de asociacións deportivas e deportistas de Galicia na que figure expresamente os representantes legais da entidade.

6. Non cabe representación das persoas físicas.

7. Ningún membro da asemblea poderá desempeñar unha dobre representación nesta.

8. A F.G. de A. axustarase, no posible, nas súas actuacións ás recomendacións feitas pola Lei 7/2004, do 16 de xullo, galega para a igualdade de mulleres e homes (DOG nº 149, do 3 de agosto).

Artigo 10. Proporcionalidade na composición da Asemblea xeral

1. A porcentaxe de cada estamento é:

a) 75% de representantes de escuderías.

b) 15% de representantes de deportistas, a distribuír entre os mesmos proporcionalmente o número de licencias das seguintes especialidades:

- a. 4 representantes do estamento de deportistas Pilotos/Navegantes Rallyes-Montaña.
- b. 2 representantes do estamento de deportistas Autocross e Rallye-Cross.
- c. 1 representante do estamento de deportistas Karting.
- d. 1 representante do estamento de deportistas Slalom.
- e. 1 representante do estamento de deportistas Todo Terreo, 4x4, Rutas e Quad.
- f. 1 representante do estamento de deportistas Automóbiles antigos e Concentracións.

b) 5% de representantes de comisarios técnicos e cronometradores a distribuír entre os mesmos proporcionalmente o número de licencias das seguintes especialidades:

- 2 representantes do estamento de técnicos de Cronometradores.
- 1 representante do estamento de técnicos de Comisarios Técnicos

d) 5% de representantes de comisarios de ruta e sinaladores e comisarios deportivos a distribuír entre os mesmos proporcionalmente o número de licencias das seguintes especialidades:

- 2 Estamento de xuíces e árbitros de comisarios de ruta e sinaladores.
- 1 Estamento de xuíces e árbitros de comisarios deportivos.

2. A representación mínima do estamento de clubs na asemblea xeral da F.G. de A. deberá ser do 50% do censo definitivo de clubs, incluíndo os membros natos. En calquera caso todos os clubs deberán necesariamente cumprir os requisitos que para eles se establece no artigo 8 desta regulamentación.





3. Cando o número de candidatos de calquera estamento coincida ou sexa inferior ao número de membros que hai que elixir non será necesaria a celebración de eleccións polo que a ese estamento se refire, dando continuidade ao procedemento electoral. No entanto, no caso de que nalgún estamento da asemblea houbera máis dun 20% de vacantes, unha vez terminado o proceso electoral e no prazo máximo de 3 meses, o presidente procederá á convocatoria parcial de eleccións para cubrir as vacantes, sen que esta nova convocatoria parcial afecte aos xa elixidos.

Artigo 11. Membros natos da Asemblea Xeral polo estamento de clubs

Conforme o establecido na Orde do 8 de setembro de 2010, establécese como baremo para a designación dos membros natos da asemblea xeral o seguinte:

Serán membros natos da Asemblea Xeral aquelas cinco entidades deportivas que no ano inmediatamente anterior á convocatoria de eleccións contén cun maior número de licenzas e aquelas cinco entidades deportivas que durante o mesmo período teñan participado nun maior número de competicións das organizadas e aprobadas pola F.G. de A. que estivesen reflectidas nos calendarios deportivos aprobados pola asemblea xeral.

Para a determinación dos membros natos pola participación en competicións, valorárase tanto o número de competicións en que se participa como o número de deportistas participantes.

No caso de empate nalgunha das categorías anteriores será membro nato aquela entidade que conte con máis méritos na outra categoría. No caso de proseguir o empate, este resolverase favorablemente para a entidade con máis antigüidade na súa afiliación á Federación.

No caso de que unha entidades teña méritos para obter representación na asemblea por ambas categorías, a representación resultante será cuberta polas entidades candidatas á asemblea segundo o procedemento ordinario de elección no estamento de entidades.



Os que resulten membros natos da Asemblea estarán incluídos no censo electoral definitivo. Aquelas entidades que desexen renunciar á súa condición de membro nato deberán facelo, ante a xunta electoral, no prazo de reclamacións ao censo provisional establecido no artigo 4. A Xunta Electoral publicará tal incidencia no taboleiro de anuncios así como na páxina web da F.G de A: www.fga.es.

Conforme o anterior baremo, son membros natos da asemblea os seguintes clubs:

Por maior número de licenzas	Por maior número de actuacións + licenzas
1. PEÑA AUTOCROSS ARTEIXO	1. PEÑA AUTOCROSS ARTEIXO
2. SIROCO NARÓN	2. ESCUDERÍA LALÍN-DEZA
3. ESCUDERÍA MIÑO-LUGO	3. SIROCO NARÓN
4. ESCUDERÍA SURCO	4. ESCUDERÍA GARA KARTING
5. ESCUDERÍA GARA KARTING	5. ESCUDERÍA MIÑO LUGO

Artigo 12. Candidatos a membros electos da Asemblea xeral

1. Poderá ser candidato a membro da asemblea xeral toda persoa física ou xurídica incluída no censo definitivo que o solicite persoalmente, por correo certificado ou por calquera outro medio que acredite fehacientemente en dereito a dita solicitude, ante a xunta electoral. Para a solicitude establécese un prazo de 3 días hábiles a contar desde a publicación do censo definitivo.





2. Unha vez presentadas as candidaturas, a xunta electoral proclamará a lista provisional de candidatos facéndoa pública na páxina web www.fga.es. Haberá un prazo de 2 días hábiles, para a presentación de posibles reclamacións ante a Xunta electoral.

3. A Xunta Electoral resolverá as reclamacións no prazo de dous días hábiles. Unha vez resoltas as posibles reclamacións si as houbera, procederase á proclamación definitiva de candidatos.

Artigo 13. Sistema de votación a membros da Asemblea xeral

1. A votación a membros da asemblea realizarase en urnas separadas por estamentos. A votación desenvolverase sen interrupcións durante o horario de 16:00 a 20:00 horas. Soamente por causa de forza maior poderán non iniciarse ou interromperse as votacións. En caso de suspensión da votación non se terán en conta os votos emitidos nin se procederá ao seu escrutinio. Neste caso, a xunta electoral fixará unha data para a nova votación.

2. O dereito de votar será acreditado pola inscrición no censo electoral definitivo. Para a súa identificación, o elector deberá presentar documento acreditativo da súa personalidade (DNI, pasaporte, tarxeta de residencia ou permiso de conducir con fotografía do titular). No caso das persoas xurídicas a representación corresponde ao seu presidente ou persoa que conforme estatutos lle corresponda, debéndose acreditar fehacientemente a dita representación mediante certificación da inscrición do Rexistro de asociacións deportivas e deportistas de Galicia na que figure expresamente os representantes legais da entidade.

Se un membro electo da Asemblea perdera a condición pola que foi elexido, causará baixa automaticamente naquela, procedéndose á súa substitución da seguinte forma: Os candidatos que non resultasen elexidos integrarán unha lista de suplentes para cada estamento, ordenada de acordo co número de votos obtidos. Esta lista servirá para cubrir de forma automática as vacantes que vaian xurdindo na Asemblea Xeral con posterioridade as eleccións. Esta lista quedará pechada unha vez resoltos os posibles empates.

Artigo 14. Voto por correo

1. Unicamente se admitirá o voto por correo nas votacións para membros da Asemblea naqueles estamentos integrados por persoas físicas.

2. O exercicio do voto por correo haberá de ser solicitado polo interesado á xunta electoral, dende a data da convocatoria das eleccións ata 2 días hábiles despois da publicación do censo definitivo. Esta solicitude deberá facerse persoalmente, mediante correo certificado, burofax, ou por calquera outro medio validamente admitido en dereito que deixe constancia da solicitude.

3. Recibida pola xunta electoral a solicitude referida no punto anterior, comprobará a inscrición no censo definitivo do solicitante, realizando no caso de estar inscrito a anotación correspondente no censo e extendendo un certificado de autorización do voto por correo.

O certificado ao que se refire o parágrafo anterior deberá reflectir o nome do elector, o estamento polo que se solicita o exercicio do voto, así como un espazo en branco que debера ser asinado polo elector previamente ao envío do voto á Secretaría xeral para o deporte.





A xunta electoral deberá remitir este certificado dentro dos 2 días hábiles seguintes á proclamación definitiva dos candidatos, remitíndollo aos solicitantes por correo certificado urxente e con acuse de recibo á dirección postal sinalada polo interesado na súa solicitude. Igualmente enviaráselle unha papeleta de votación en branco e o sobre de votación oficiais, xunto coa relación definitiva de todas as candidaturas presentadas ordenadas alfabeticamente.

O listado de persoas autorizadas para o exercicio do voto por correo deberase remitir á Secretaría xeral para o deporte, publicándose asemade na páxina web www.fga.es.

4. O elector introducirá a papeleta de voto no sobre da votación e pecharao. Incluirá este sobre de votación, xunto ao certificado emitido pola xunta electoral no que se autoriza o voto por correo, asinado polo emisor do voto e a copia do DNI, nun sobre de maior tamaño que os anteriores que remitirá á Secretaría xeral para o deporte para a súa custodia, por correo certificado urxente, consignándose no anverso e reverso do mesmo os seguintes datos:

Anverso:

Secretaría xeral para o deporte
Estadio Multiusos de San Lázaro, porta 4
15781 Santiago de Compostela (A Coruña)
Eleccións á Asemblea Xeral da Federación Galega de Automobilismo

Reverso:

Nome e apelidos do remitente
Estamento de
Modalidade ou especialidade de

5. A presentación dos votos nas Oficinas de Correos deberá realizarse con 6 días hábiles de antelación á data de celebración das eleccións, mediante envío por correo certificado urxente, e non serán admitidos os sobres depositados con data posterior. A Secretaría xeral para o deporte custodiará os votos emitidos, que serán postos a disposición da mesa electoral o día da votación, xunto cunha relación nominal dos mesmos, a fin de que, con posterioridade ao peche da votación presencial os membros da Mesa electoral poidan abrílos e, tras comprobar a súa regularidade, depositar cada voto na urna correspondente para incorporalo ao escrutinio.

6. Prevalecerá o voto persoal sobre o voto emitido por correo no caso de concorrencia de ambos.

Artigo 15. Presentación de candidaturas a presidente

1. No prazo de 2 días hábiles dende a proclamación definitiva de membros da Asemblea xeral, poderá presentar candidatura a presidente da federación calquera persoa física que teña a condición política de galego, maior de idade, en pleno uso dos seus dereitos civís, que non incorrese en ningunha sanción deportiva que o inhabilite e que non estea inhabilitado para o desempeño dun cargo público por sentenza xudicial firme. Dacordo o disposto no artigo 29 dos Estatutos da F.G. de A xunto a candidatura deberá presentarse aval bancario en documento orixinal vixente dende o 2014 ata a 2018 ambos incluídos, cuxa cuantía será de 16.146,15 euros, equivalente o 3% do presuposto económico da F.G de A do ano 2013 que deberá estar vixente durante os catro anos de mandato.





FEDERACION GALEGA
DE AUTOMOBILISMO

E-Mail: fga@fga.es
http://www.fga.es
Tfno: 988 272 841 - Fax: 988 271 461
C/O. do Vigo, 43 Baño - O Pro
2001 OURENSE



A persoa que resulte elixida como presidente terá que cesar en todo tipo de actividades técnicas e directivas no deporte específico e no ámbito territorial da federación galega correspondente.

Se algún membro da comisión xestora presentase a súa candidatura á presidencia, deberá cesar naquela.

O presidente saínte da federación será membro da nova asemblea xeral. Esta condición perderase nos casos de non presentar candidatura á presidencia ou, de téndoa presentado, non resultara elixido.

2. A presentación de candidaturas farase na sede oficial da federación mediante escrito dirixido á xunta electoral, facendo constar a condición de membro de pleno dereito da asemblea xeral.

3. Finalizado o prazo de presentación de candidaturas, a xunta electoral exporá a listaxe provisional de candidatos a presidente no taboleiro de anuncios da federación así como na súa páxina web www.fga.es. Pódense presentar impugnacións a esta no prazo de 2 días hábiles. As impugnacións serán resoltas pola xunta electoral no prazo de 1 día hábil.

A xunta electoral publicará no día seguinte hábil, seguindo os medios reflectidos no punto anterior, a lista definitiva de candidatos á presidencia.

Artigo 16. Elección do presidente

1. No día e hora fixados na convocatoria correspondente, constituirase a Asemblea xeral en primeira ou segunda convocatoria tendo como únicos puntos da orde do día a elección a Presidente e a membros da Comisión Delegada. O presidente da federación será elixido mediante sufraxio libre, directo, igual e secreto polos membros da asemblea xeral presentes no momento da elección.

2. Na votación á elección de presidente non se admitirá o voto por correo nin a delegación de voto. A representación dos clubs realizarase conforme o establecido no artigo 9 parágrafo quinto, non admitíndose que unha persoa ostente a representación de mais dun club.


3. Comezada a sesión e constituída a mesa electoral, o presidente presentará os candidatos, iniciando, de seguido, o proceso de votación.

4. Os candidatos exporán os seus programas, procedéndose posteriormente á votación en urna para a elección do presidente, que será secreta.

5. A Xunta Electoral determinará o modelo de papeleta. Cada membro da Asemblea só poderá votar a un candidato.

6. O proceso de votación está formado por un máximo de tres votacións.

a. Na primeira votación son elixibles todos os candidatos da listaxe definitiva. Aqueles que obteñan un mínimo do 10% dos votos dos membros presentes, pasarán á seguinte votación. No suposto en que ningún candidato acade o 10% dos votos, pasarán á seguinte votación aqueles dous candidatos que contén cun maior número de votos. No suposto en que soamente sexa un candidato o que obteña o 10% dos votos, pasará tamén á seguinte votación o seguinte candidato en número de votos. De acadarse por algún candidato a maioría absoluta dos votos, nesa primeira votación, será proclamado Presidente.





- b. Na segunda votación soamente serán elixibles aqueles que, como xa está exposto e coas excepcións contempladas, obtiveran alomenos o 10% dos votos dos membros presentes. Será elixido presidente o candidato que nesta fase obteña a maioría absoluta dos votos.
- c. No caso de que na votación anterior ningún candidato obteña a maioría absoluta, procederase a unha nova votación entre os dous máis votados, no mesmo día, resultando elixido o que obteña maioría de votos.
7. Terminada cada unha das votacións realizadas, a mesa electoral procederá á contaxe de votos e levantará a oportuna acta.
8. No caso de existir soamente dous candidatos, resultará elixido o que obteña a maioría simple dos votos. No caso de empate resultará elixido aquel que o que, segundo os datos en poder da Federación Galega de Automobilismo, tivera licenzia federativa maior número de anos, ininterrompidamente, a contar da tempada actual.
9. No caso de que se presentase un só candidato, non se efectuará votación.
10. Se non se presentase ningunha candidatura ou non fose válida ningunha das presentadas, a comisión xestora administrará a federación e convocará e realizará novas eleccións a presidente no prazo máximo de 3 meses.
11. Rematada a elección, a acta do resultado desta será remitida á xunta electoral. Transcorridos os prazos de presentación de posibles recursos e resoltos estes, a xunta electoral proclamará presidente ao candidato máis votado e comunicará os resultados á Secretaría xeral para o deporte no prazo máximo de 10 días.
12. Unha vez proclamado definitivamente o novo presidente, a comisión xestora deberá poñer a disposición deste no prazo máximo de 5 días hábiles, contados dende a proclamación definitiva, toda a documentación relativa á federación, levantando acta da documentación entregada e remitíndolle copia desta á Secretaría xeral para o deporte.
13. Tras a súa proclamación o presidente designará os demais órganos e comités de acordo cos estatutos da federación, debendo comunicarlle a súa composición á Secretaría xeral para o deporte no prazo máximo de 10 días hábiles, dende o seu nomeamento.

Artigo 17. Elección de membros da comisión delegada

A comisión delegada será elixida entre e pola asemblea xeral mediante sufraxio libre, igual, directo e secreto entre os seus membros. O seu mandado coincidirá co da asemblea xeral.. Será presidida polo presidente da federación como membro nato desta.

O número de membros da comisión delegada será 13, estando composta polo Presidente máis 12 membros distribuídos da seguinte forma: 8 membros do estamento de clubs, entidades e escuderías, 2 membros do estamento de deportistas, un membro do estamento de técnicos e un membro do estamento de xuíces e árbitros.





O procedemento para a súa elección será o seguinte: Finalizada a votación e elección no seu caso do Presidente, procederase á apertura dun prazo de 30 minutos para a presentación de candidaturas á mesma conforme á distribución por estamentos antes citada. As candidaturas para o Estamento de Entidades, Clubs e Escuderías deberán ser conxuntas, é dicir, deberán contelo número exacto de candidatos asignados ó citado Estamento.

Existira unha única mesa electoral que será a mesma que se constituíu para a elección de Presidente, e será de aplicación o establecido no artigo 6 en relación as función da mesa. A elección terá as seguintes particularidades: durante a votación poderán estar presentes os membros da Xunta Electora le non se admitirá voto por correo nin delegación de voto.

Será elixida a candidatura de cada estamento que obteña a maioría dos votos dos membros presentes. No caso de empate, resultará elixido o que, segundo os datos en poder da Federación Galega de Automobilismo, tivera licenza federativa maior número de anos, ininterrompidamente, a contar dende a tempada actual. No estamento de Clubs, Entidades e Escuderías, resultará elixida a candidatura que conxuntamente teña maior número de licenzas computables a efectos electorais.

No caso de que se presente unha soa candidatura por Estamento, non se efectuará votación.

Si non se presentase candidatura, o Presidente da Federación, convocará no prazo máximo de 7 días naturais seguintes nova Asemblea Xeral Extraordinaria co único punto do orde do día consistente na elección da Comisión Delegada procedéndose á elección conforme ás regras anteriores.

O resultado da votación e os novos membros da Comisión Delegada incluíranse na acta da Asemblea constituinte.

Artigo 18. Recurso ante a Xunta electoral

O coñecemento de tódolos recursos que se poidan formular na materia electoral corresponde á xunta electoral, sendo tódalas súas resolucións recorribles ante o Comité Galego de Xustiza Deportiva. Están lexitimados para interpoñer recursos os representantes das candidaturas ou as persoas e entidades debidamente afectadas polos acordos da xunta electoral.

Os recursos ante a Xunta electoral serán presentados, personalmente ou por calquera medio que acredite fehacientemente en dereito a presentación do escrito (burofax, correo certificado, telegrama...), na sede central federativa mediante escrito dirixido ao presidente da Xunta electoral.

Os prazos para a presentación destes recursos, así como os de resolución da Xunta electoral serán de 2 días hábiles, salvo nos casos nos que no presente regulamento ou na Orde do 8 de setembro de 2010 se establezan outros distintos.

Artigo 19. Recurso ante o Comité Galego de Xustiza Deportiva

1. Contra os acordos e resolucións das xuntas electorais procederá recurso electoral ante o Comité Galego de Xustiza Deportiva, poñendo fin, as resolucións deste, á vía administrativa.





FEDERACIÓN GALEGA
DE AUTOMOBILISMO

E-Mail: fga@fga.es
http://www.fga.es
Télex: 988 272 841 - Fax: 988 271 461
Cra. de Vgo., 43 Bstio - O Pino
36001 OURENSE



Están lexitimados para interpoñer este recurso os representantes das candidaturas ou as persoas ou entidades debidamente afectadas polos acordos da xunta electoral.

2. Os prazos para formalizaren estes recursos serán de 3 días hábiles dende o seguinte ao da notificación do acordo expreso da correspondente xunta electoral ou do seguinte a aquel en que rematou o prazo de resolución de reclamacións segundo o calendario electoral.

3. O escrito de interposición do recurso deberá expresar:

- a) Nome, DNI e domicilio da persoa física ou denominación e enderezo social dos entes asociativos interesados, incluíndo neste último caso o nome do seu representante legal.
- b) Se é o caso, o nome, DNI e enderezo do representante do interesado, podendo acreditar a súa representación, ademais de polos medios legais procedentes, a través de comparecencia ante a Secretaría do Comité Galego de Xustiza Deportiva.
- c) Lexitimación para interpoñer o recurso
- d) O acto que se recorre e a razón da súa impugnación.
- e) As consideracións de feito e de dereito nas que baseen as súas pretensións, así como as propostas de proba que ofrezan en relación con aquelas.
- f) As pretensións que deduzan de tales consideracións.
- g) Lugar, data e sinatura.





FEDERACION GALEGA
DE AUTOMOBILISMO

E-Mail: fga@fga.es
http://www.fga.es
Tfno: 988 272 841 - Fax: 988 271 461
Cra. de Vgo, 43 B330 - O Pino
22001 OURENSE



Anexo I. Calendario electoral





Elección por sorteo miembros mesa electoral

posible comunicación de interventores

inicio
fin

Constitución Mesa Electoral

20-oct	20:00h	fin prazo remitir papeles voto
22-oct	14:00h	fin prazo depositar votos en correos
25-oct		
no tiene		
31-oct		
02-nov	10:00H	
02-nov		
02-nov		
02-nov		
03-nov	10:00	
04-nov	20:00h	
06-nov	20:00h	
06-nov	20:00h	
07-nov		
07-nov	10:00h	
08-nov	14:00h	
08-nov	20:00h	
08-nov	10:00h	
11-nov	20:00h	
12-nov	20:00h	
13-nov	20:00h	
22-nov		
22-nov		
22-nov	20:00h	
24-nov	10:00h	
25-nov	14:00h	
26-nov	14:00h	
26-nov	14:00h	

Votación a miembros da Asamblea

Escrutinio

Proclamación PROV de resultados a membros da Asemblea

inicio prazo reclamación

fin prazo reclamación

Fin prazo resolución das reclam.

Proclam DEF de resultados a membros da Asemblea

Inicio Presentación de candidatos a Presidente

Fin Presentación de candidatos a Presidente

Proclamación PROV de candidatos a Presidente

inicio prazo reclamación

fin prazo reclamación

Fin prazo resolución das reclam.

Proclamación DEF de candidatos a Presidente

Constitución Asemblea Extraordinaria

Votación a Presidente


Proclamación PROV de Presidente e Comisión Delegada

inicio prazo reclamación

fin prazo reclamación

Fin prazo resolución das reclam.

Proclamación DEF de Presidente





FEDERACION GALEGA
DE AUTOMOBILISMO

E-Mail: fga@fga.es
fpa@fga.es
Tlf: 988 272 841 - Fax: 988 271 451
C/ra. da Vga, 43 D.500 - O Pino
32010 OURENSE



Anexo II. Modelos de sobres e papeletas





FEDERACION GALEGA
DE AUTOMOBILISMO

E-Mail: fga@fga.es
http://www.fga.es
Tfno: 988 272 841 - Fax: 988 271 451
Ctra. de Vigo, 43 Balaia - O Foz
32001 OURENSE



TECNI SYSTEM BROKER
CORREDURIA DE SEGUROS, S.L



DEPORTE
GALEGO

galicia



XUNTA DE GALICIA
PRESIDENCIA
Secretaría Xeral para o Deporte

MODELO DE PAPELETA DE VOTACION

ELECCIONES A LA ASAMBLEA GENERAL DE LA FEDERACION GALEGA DE AUTOMOBILISMO. AÑO 2014

Estando en el censo electoral de la Federación Galega de Automobilismo para las elecciones a miembros de la Asamblea, y estando en representación del Estamento de _____ (cada papeleta será específica para el Estamento concreto al que se votará), doy mi voto a:

Marquese con una cruz...

((Se consignará el número de candidatos totales que se haya presentado por cada Estamento, y se marcarán hasta el máximo de los asignados para ese estamento.))

NOTAS:

1º.- Se señalará, y marcará el número de candidatos como máximo que esté asignado al estamento en cuestión, marcándose con una cruz a los correspondientes.

2º.- Cualquier tachadura, modificación, enmienda o corrección que figure en la papeleta podrá dar lugar a la anulación del voto previa decisión de la Mesa Electoral.

3º.- No se admitirá más que la papeleta oficial elaborada por la F.G. de A., no aceptándose fotocopia o reproducción de la misma.

4º.- Para evitar errores en el voto por correo es aconsejable que se utilice una fotocopia para trabajar sobre ella y una vez tomada la decisión cubrir el original remitido por la Junta Electoral.






ELECCIÓN XERAIS
F.G. AUTOMOBILISMO 2014

ESTAMENTO



ESCUDERIAS



ELECCIÓN XERAIS
F.G. AUTOMOBILISMO 2014

ESTAMENTO DEPORTISTAS


AUTOCROSS /
RALLYE-CROSS



ELECCIÓN XERAIS
F.G. AUTOMOBILISMO 2014

ESTAMENTO DEPORTISTAS

KARTING



ELECCIÓN XERAIS
F.G. AUTOMOBILISMO 2014

ESTAMENTO DEPORTISTAS

PILOTOS/ NAVEGANTES
RALLYE-MONTAÑA






ELECCIONES XERAIS
F.G. AUTOMOBILISMO 2014

ESTAMENTO DEPORTISTAS

SLALOM



ELECCIONES XERAIS
F.G. AUTOMOBILISMO 2014

ESTAMENTO DEPORTISTAS


AUTOMOBILES ANTIGOS E
CONCENTRACIONES



ELECCIONES XERAIS
F.G. AUTOMOBILISMO 2014

ESTAMENTO TECNICOS

CRONOMETRADORES



ELECCIONES XERAIS
F.G. AUTOMOBILISMO 2014

ESTAMENTO DEPORTISTAS

TODOTERREO, 4X4
RUTAS E QUAD






ELECCIÓN XERAIS
F.G. AUTOMOBILISMO 2014

ESTAMENTO



COMISARIOS DE RUTÁ E SINALADORES



ELECCIÓN XERAIS
F.G. AUTOMOBILISMO 2014

ESTAMENTO

COMISARIOS DEPORTIVOS



ELECCIÓN XERAIS
F.G. AUTOMOBILISMO 2014

ESTAMENTO TÉCNICOS

COMISARIOS TÉCNICOS



Rmte:

Nome e Apelidos: _____

Mesa Electoral nº: _____

Estamento: _____

Modalidade ou especialidade de: _____



ELECCIONS XERAIS

F.G. AUTOMOBILISMO 2014

SECRETARIA XERAL PARA O DEPORTE
ESTADIO MULTIUSOS DE SAN LAZARO, PORTA 4
15781 SANTIAGO (A. CORUÑA)

